



kal. komp.

22279

III

Mag. St. Dr.

P

Mag. St. Dr. P. Masoviae

*Lobzyński Joan. Dionysii: Pharus Warszyciana
votivis ignibus collucens —*

PANEG. et VITAE

Polon. Fol.

№ 1550

Handwritten text in a cursive script, likely a title or header.

Handwritten text in a cursive script, likely a title or header.

Handwritten text in a cursive script, likely a title or header.

Handwritten text in a cursive script, likely a title or header.



P H A R V S
WARSZYCIANA
Votuiis Ignibus
collucens

D O N V M
Aurei, in Deiparam Claro-
montanam, amoris ap-
pensum

E X V O T O

Illustrissimi Domini

D. STANISLAI
A WARSZYCE

WARSZYCKI,
PALATINI ET GENERALIS
Terrarum Masouiae, &c. &c.

Anno à Lucido Partu Virginis, M. DC. XLIX.

C R A C O V I Æ,
In Officina Typographica Francisci Casarij, S. M. R. Typog.
Anno Domini, 1649.

GENTIS ET ILLVSTRISSIMI
BENEFactoris INSIGNIA.



*Quæ manus in phialâ, docti Minos anne Mironis ?
Mentoris hæc manus est ? an Polyclete tua ?
Ingenio non cedit opus, sic splendet ad aras,
Atque velut sidus, sic radiare solet ;
Noscere vis Dominum, sculpto de Stemmata disce,
Verte polo hîc ; Magnus ; Magnus & in Patriâ est.*

DEDICATIO VOTIVA

Laboris Religiosi,

Illustrissimo & Magnifico Domino,

D. STANISLAO

A W A R S Z Y C E

W A R S Z Y C K I.

Palatino & Generali Terrarum Ma-
souiæ, &c. &c.

Domino & Patrono Colendissimo.



I quis, inter Diuina, beneficentia^e Tuæ locus peruius, certè Mons Noster Clarus, omnium patentissimus dici debet, Illustrissime & Magnifice Domine. Quidni igitur Tua hæc augusta munificentia, publicos etiam pateat in applausus, quam Tu publicam esse voluisti. Reciproca pietas siue etiam gratitudo, & nostra in Te Benefactorem Maximum, & Tua in Diuinissimam Diuam nostram deuotio, mutuum requirit theatrum. Hòc aperire si quomodo possem, styli huius beneficio vellem. Nisi quod ridiculò non dissimile est spectaculum, benefactoribus verba, pro rebus dare; Dabi-

mus attamen illa quoque, nisi quod votorum,
quæ spargimus, cælestium plenissima, cum
nulla alia donaria, quibus Te tantum Patro-
num remuneremus, ampliora habeamus. At-
que cum multa alia in Clarum Montem, tum
verò & in Ordinem Nostrum, per Te profu-
sa beneficia palam agnoscimus; insimul & il-
lud, pro nostrâ ingenuitate lubentes fatemur,
quod non hodie primum cæpta, pro Tuâ in-
columitate, prosequi vota, ad Aram Virgi-
nis huius instituimus. Pridem pro Te, quia
& Tuis sumptibus, ea deuotio in templo no-
stro stetit, pro quâ & Nos, æquè in Claro-
montanæ Diuæ laudibus, ac in Tuâ liberali-
tate prædicanda religiosi sumus, & esse volu-
mus. Vnum illud præ cæteris beneficium
per Te præstitum, non mortales tantum, sed
cælites ipsos in admirationem etiam nunc
euocat, quò plus, quàm munificus in Diuam
esse voluisti. Ante cuius Archimiraculosam
Imaginem, imò & supra fastigium Sacrarij
eiusdem, auream vnam, æream alteram, auro
itidem illitam lampadem, perpetuis ignibus
radiantem è voto publico suspendisti; vt ita,
& Tuum Generosum animi ardorem clario-
rem reddere, & aliorum peregrè venientium
deuotionem accendere possis. Omnino Tuæ
istæ lampades, celebratum illum Mineruæ ly-
chnum longè superant. Quin & oculum de-
canta-

cantatum olim Augusti, quem nisi luminoso splendoribus, prudens colere voluit antiquitas. Sed & turris illa in Insulâ Pharo, continuis licet ignibus collucens, Tuis hisce lampadibus, vltro suos submittit ignes, cum sese terrestri luce constare, Tuas lampades cælestes ardores efflare, non inuita fateatur. Polus sunt in cælo Claromontano, Tuæ istæ lampades, faces sunt stellatæ, astra ignita, Cynosuræ lucidissimæ. Imò Tu ipse Lampadophorus Marianus es, Illustrissime Domine, atque Pharus nobilissima, qui liberalitatis Tuæ amplitudine, ac si solaribus radijs, Diuam Nostram illustras, omnibus, obrarum, hâc præsertim frigidâ ætate, erga Virginem hanc cultum, quotquot locum hunc Sacrum inuisunt, spectabilis. Lucet siquidem in animi Tui promptitudine, erga æterni Numinis Matrem, pietas; lucet generis clarissima amplitudo; lucet inter Ordinis Senatorij lucidissimas Lampades, Tua Illustris dignitas, quæ veluti columna ignis, in latè patenti Masouia Palatinatu sursum euecta, mirâ in vniuersam Rempublicam transfundit voluptatem. Lumen siquidem est rara Tua prudentia, quæ mentis Tuæ penetralia, hausto desupèr influxu, illustrat: lumen erga Deum vera Religio; lumen Diuinissimum, in Nostram Diuam, & quasi continuum studium. Ita Tu Senatorum

B Optime,

Optime, nescis nisi in luce vbique ambulare. Ex quo tam virtutum, quam dignitatum Tuarum lumina, flammæ sunt cælo datæ, cælo debitæ. Vnde nec mirum, quod Maria- nis Tu quoque applaudis ignibus. Nam po- steaquam Diua nostra in suâ stupendâ Imagi- ne, frontis erga Te amabile resarare fulgur in- stitit, Tu vicissim absque luce in conspectu eiusdem apparere minus decorum existima- sti, quando simul & semel votiuis facibus in- calescens, Tuæ huic ardenti pietati, æmulas quoque affixisti lampades. Amori illæ co- gnatæ sunt, dum ita rutilant, pietati concolo- res, quæ sic candicant. O Te beatum!

A cuius Virgo cupit inclarescere flammis,

Felix es, fies, clarior usque modo:

Æternumque tuo crescet ab igne iubar.

Et certè satis aliquando prouisum fuit ab A- gryppâ, ne sitiret Roma: Tu Senatorum Clarissime, ne sitim pateretur in Sacrario suo MARIA, aurum & oleum prouidisti. Feli- cem Te quidni deprædicem? quod appensis hisce lampadibus, Virginis Te constituisti creditorem! Fortunatum etiam, cui lumini- bus istis, apud fontem veri luminis, tantum mereri licuit! Nimirum satis non habuisti, vt exaggerata Tua munificentia emanaret in homines, nisi sanctam quoque Ciuitatem (quæ est Dei Mater) olei alueus allueret. O mentem

mentem Tuam & manum plusquam magnificam! quæ se sic exporrigit, non ad luxum prodigè, sed in ornamenta cultus Mariani affluentèr. Hinc cùm alibi sis consultissimus, hic etiam Religiosissimus haberis, vtpotè cuius auream & ardentem animam, aureus pietatis vigor, atque cælestium flammaram insedit origo. Solem & sydera de laude provocasti, quando plenas lucis lampades coram Diua Nostra constituisti. Dicam igitur, quod amica veritas dicere iubet. Minus splendidum Sacrarium Claromontanum habuissimus, nisi intus & foris per fastigia ipsius, aurum & ignis WARSZYCIANVS splenderet. Absit abhinc, vt sese iactare præsumat cana antiquitas, aut in aurifero Pactolo, aut in prodigioso Dodonæo fonte, quorum ille aureis dimanat arenis, alter etiam faces extinctas accendit; cùm Tu, Benefactorum Optime, Tuo aureo & ignito voto, vtrumque id, de plano & de pleno imples. Ne nos cæci & lumine capti, qui tot lumina, quibus Tu Clarum Montem, clariorem reddidisti, non videamus? Lubentes itaque & libentes intuemur augustis radiorum Tuorum fulgoribus, nostram Claromontanam radiare Pharum; hilares suspicimus, sine nebulis & absque defectu, splendida, Tuæ liberalitatis, argumenta. Atque vel ideo nouus nobis Aaron esse vi-

B 2

deris

deris, vespere & mane accendens lucernas, de die, ac si noua sydera, Soli; de nocte, veluti astra nocturna, sibi inuicem succedentes, ac de suis splendoribus, tanquam victimas, vt ita dicam, nocturnas Deo perenniter facientes. Ergo fileant hic sua miracula, omnes illæ lucernæ, à pretio non minus, quàm ab arte olim commendatissimæ, Demosthenicæ, Aristophanicæ, Cleanthicæ, Epictethanæ, & si quæ sunt aliæ: Tenebræ fuerant omnia illa lumina, Tuis istis lampadibus comparata, quæ non tam lucernæ, quàm potius philtrum quoddam Diuinum, essent appellandæ, ex quo sic, & oculos cælestium rapiunt, & in animos hominum influunt, vt multorum desideria, ad similia excitare de facili possint exempla. Ecquis enim fidelium, quotquot piè locum istum visitant, non incalescat, ve etiã non illustretur, à Tuis istis sacris ignibus? vique adeò vt Pharos ista Tua, multis sit in ortu diei Aurora: meridie Sol: vesperi Hesperus: in tenebris Luna, quasi diem & faciens, & retinens constanter. Pròh Deum hominumque fidem, quàm feliciter in cælo, soloque fulgurare incæpisti, quando ignea vota, igneus ipse Virginis cultor ad aram Virginalem deposuisti! Vnde non tam in vota precesque, hanc Tuâ industriâ, MARIAM vocas, quàm potius lucidis Tuis manibus, Illumi-
natri-

natricem Diuam aggredieris, quot ignibus,
tot syderibus, hanc ipsam syderum Reginam
coronans. Nisi quod & hoc insuper, de ap-
pensis hisce Lampadibus, colligere nobis li-
cet, vt quemadmodum inter Elementa, su-
preum tenet locum ignis, ita & Tua mu-
nifica pietas, altissimo famæ impetu, terras
transcendit, quando sibi pro metâ adeo ex-
celsum (hoc ipso cælestibus sese immiscens
splendoribus) Virginis statuit cultum. No-
uo Ædepòl igne, nouo lumine, nouus Pro-
motheus, non terram tantum, sed cælum e-
tiam cumulaſti. Quod extingui non po-
terit, Te Munifico Benefactore, oleum
illi vbertim subministrante. Neque enim
sunt Tuæ istæ Marianæ faces, fallacia noctur-
norum ignium ludibria, quæ postquam ali-
quantulum eruperint in scintillam, speratò
citiùs & nitorem suum perdunt; Ast Tuæ
in altum eductæ Lampades, lucem seruant
perpetuam, non solum vmbriſ pellendis, sed
& vincendis opportuna, quando nocte die-
que affixæ, à laquearibus splendent, nec vn-
quam extinguuntur; vt vel de caliginosâ no-
cte ad Clarum Montem venientibus, iuxta
fancitum Atheniensium, viam ignaris de-
monstrare queant. Omnino horum ignium
Tuorum, pura synceraque est fuitque sem-
per conditio, atque vel ideo nulla se caligine
C
obruir,

obruui, nullis tenebris infuscarì permittent,
quia nec vlla defultoriâ luce laborant. Atque
hic ô Benefactor Colendissime, non ideo me
ad Censorium protrahas Tribunal, quod
Tuam istam pietatem in ardenti expresserim
Elemento. Benè si quidem ignitus amor
in Deiparam, igne notatur. Quod si Persis
licitum fuerat, ignem, inter publici ærarij ga-
zas, tanquam sacrum asseruare: Regibus In-
diæ etiam ignitum præferre thurribulum;
Ecquis & nos prohibet? quin in amoris gazo-
philacio Tua omnia ista, & quidem ignita be-
neficia à multis annis, in nostrum Clarum
Montem profusa fidelitèr conseruem? Non
factura vnquam largitatis dispendium, quia
nec finem, in memoriâ nostrâ habitura. Ne-
que enim Tuis Illustribus gratijs vtimur ceu
floribus, tamdiu gratis, quamdiu recentibus.
Tu itaque nobis eris, propter olei & ignis pe-
rennis fontem, pro Mineruæ aureo Lychno,
tantum à Sophorum Stoa celebratissimo. Tu
iustior Heliogabalus, qui præter Oliuam, bal-
samum pietatis ad lucernas Tuas affundis. Et
denique, Tu lapis Asbestos, qui in modum
prunæ ardentis, inextinguibile lumen deuo-
tionis ex se proijcis continuo. Et certè, si
luminosis splendoribus antiqui Græcorum
imò & Romanorum Principes, coli volue-
runt, quando, veluti aucupes Diuinitatis, in
aureis

Annos lucidos, optamus, vota pandimus lucida, lucida. Jam fortunam precamur, præconia cum gratiarum actione spargimus lucida. Adeste Cælites, Tutelares, Ordinis Proto-Eremitici, Diui adeste! Tu super omnia Diua Nostra, quæ nunquam Tibi addictorum repellere nosti preces, nouo lumine à Tuo Illustri Cliente dotata, vicem reddito, atque tuâ cælesti luce, quâ polles, Magno Cultori ubiq; affulge, vt accessione nouorum & nouorum in Regno Nostro Lechico splendorum, tandem in immortalipolorum gloriâ, meritörû plenus illucescat. Audi hæc vota Clarmôtana Virgo, quia & pia & iusta sunt. Quas apprecationes dum toties pleno ore, & candido pectore ingeminamus, ijsdem affectum nostrum & mensuramus & finimus: Faxit Æterna illa mens, vt Te, Herôum Amplissimè, diu Patriæ, diu nobis, diu Familiæ, saluû seruet & incolumem! Immortalem etenim Te Benefactorem & esse volumus, & habemus.

Illustrissimæ & Magnificæ Dominationis Tuæ

Suo & totius Ordinis sui Nomine
æternum deuotus

Fr. IOANNES DIONYSIVS
ŁOBZYNSKI, Ordinarius Prædic.
in Claro Monte Czesłochouiensi.

INSCRIPTIONES
PANEGYRICÆ
SACRARVM LAMPADVM,

Quarum vnā

*J*LLVSTRISSIMVS
D. STANISLAVS WARSZYCKI
Palatinus Masouix,

*Ad Aram, Claromontanæ Matris Virginis, auream,
æream alteram, auro itidem illitam, supra eius-
dem Sacrarium suppliciter expositas
appendit.*

INSCRIPTION I.

En PHARVS in MARI Gratiarum
Vitæ & viæ dubijs Institoribus!
Constituit hanc FILIVS LVCIS.
Tantum illi superfuit de facultatibus,
Vt in LVNAM Deificam, fieret Liberalis.

Tu ne alium suspiceris,

Lege in auro colorem charitatis

In Monte Miraculorum Aureo, Aurum Miraculo quis habeat?
Cor ante deuouit Aris, nunc flagrans cordis votum;
Planè vbi est thesaurus, ibi & cor eius.

O Virum Lynceum!

Qui in Claro etiam Monte, tenebras cum timeret,
Lampades adhibuit ignis atque flammæ.

Benè me elucidas semel

Vt duplicem vno in colle sortiaris lucem,

D

Memo-

Memoriæ apud mortales, gloriæ apud cælites.
AVREA OLIVA Pacis, Tibi Oleam pro hisce lam-
padibus enitetur

In Elysio Æternitatis.

INSCRIPTIO II.

Famem ne time Polonia:

En NAVI INSTITORIS portanti de longè panem,
PHARMVM erexit WARSZYCIVS!

Pretio pretium addidit,

Cùm DOMVI AVREÆ Auream adiecit Lampadem;
Parum sollicitus, quid affundat,

Oleum effusum est Nomen eius.

Non cefsit cælorū liberalitati WARSZYCIANA Liberalitas,

Lunam illi imposuere Pedibus MARIANIS,

Tu Lampadem, in cuius lumine ambulant gentes.

Minui Luna solet, quoties Orienti vicina,

TVA LAMPAS PRINCIPEM Amictam sole accessit,

Vt illustrior redderetur.

Proijcet meliùs radios ad Maiestatem MARIÆ,

Quàm CrySTALLUM Archimedis ad comburendā nauim Prætoriā;

Pretiosam esse voluisti mortem tuam,

Cui Aurea Lampas illucesceret.

Dissimilis Heliogabalo,

Qui pretiosam cùm apud DEVM & homines non meruisset;

Ipsè fecit

Cùm turrim, ex quâ se præcipitaret, adornauit auro;

Abyssum Misericordiæ MARIAM auro implet?

Non temerè Aurum proijcis in MARE GRATIARVM,

Emersurum in Æternitate, quam sic emis.

Discite Principes:

Et homi-

Et homines demereri auro & cælitēs;
Verè inexhaustum
GENTIS VARSZYCIÆ Ærarium,
Ex quo, cùm tot Polonia hausisset ornamenta,
Adhuc inuenit, quo ornatissimā DEI-PARENTEM adornaret.

O D E I.

In Auream Lampadem, aureæ Libera-
litis Illustrissimi Domini
S T A N I S L A I W A R S Z Y C K I.

L Ampadis viden PHARVM?
Pium sereni Verticis per Hæmum.
Talibus DEIPARENS
Cupit clientum se ligare votis,
Furta Phryxæi senis,
Et cuiibrantes Gange temno Venas,
Præ aureo PHARI globo,
PARENTIS ALMÆ Gemmei CLIENTIS;
Gloriæ probum iubar
Scit & coruscis luminare colles.
Auribus faue CLIENS,
QVIA MAGNI est NUMINIS MARIA.
Auream facis? Tibi
Dabit Smaragdos Pigmalo accolores.

INSCRIPTION III. LAMPADIS.

Natus ad illustrandam Patriam Magnus Heros,
Curiam Sapientiæ, Aras Pietatis illustrat.
Inimicas tenebras, PARENTI LUMINVM, vt arceret
Perennes in Auræ Lampade alit ignes.

Benè conscius

Non alio rectius, quàm igne colendam esse,
MATREM IGNIS omnia CONSVMENTIS.

Non expauescite tenebras viatores,
Præfixit Moysis Æmulus WARSZYCIUS
Præeuntem de nocte PHARVM;
Ne à Metâ votorum MARIA exeretis.
Prudens non minùs, quàm pius Senator,
Qui auro Æternitatem fæneratur:
Affunde Æternitatis Candide
Pietatis Oleum,
Vt in folio Diuinitatis, flammâ ardeat augustiore.

INSCRIPTIO IV.

Sacra mæror non turbes,
Lætitiæ hæc Syngrapha est consecrata.
Amænitatem ignes WARSZYCII amant
Procul ô procul hinc tenebræ!
Non terrent istæ faces, sed corda recreant.
Ignis hic ardet, non deficit;
Vel ideo, quia MARIANVS, spei æternæ præluet.
Diuûm locatæ consilio flammæ
Quæ ab admirandis euentibus Sacræ Imaginis quotidie
Cum deuotione crescunt.
Nihil hic sibi fatales ignes vendicant iuris,
Vbi cælestis fauor Illustrissimi Fundatoris
Perennia accendit sydera.
Loci (nimirum Montis Clari) suffragium, est illis in auspicijs,
O quam rectè! ô quam congruè!
In adeo Claro loco, clara Pietas, clarè conspicitur!
Inter tot sacra anathemata etiam eminet.

Vnde

Vnde merito in Fastis Claromontanæ felicitatis,
Dies ille clariùs quibusuis astris lucebit.
Qui accessione tot Lampadum est illustratus.
Prò cæleste ingenium Herois istius!
In promptu habuit, quò pacto clarum, Clariorem Mon-
tem redderet.

O D E II.
Munificentia Illustrissimi D. Palatini
in Aurea Lampade efferendâ.

Quis iocose viderit hætenus
Splendere vitrum sortis, & inscius
(Suo fauentem sæpè quemquam
Æquanimi recreâsse vultu)
Rerum nitori fudit inanium;
Heu quàm fugaci captus imagine est,
Pulchrâq; se vinctum teneri
Compede pauper inopsq; nescit.
Domitiano quid sua profuit
Famæ cupido, dum Capitolij
Suo, recondit igne sumptas,
Sub titulo veteres ruinas.
Æterna vani scilicet hunc sui
Ætas manendi nominis impulit,
Frustra tenebroso manere
Cogitur en Phlegetontis igne.
Non sic reposita gloria Lampadis,
(WARSZYCIANÆ sidus adoreæ)
Mansura. toto hac orbe lucens
Per varias volitabit oras.
Hæc sola Diuis Calitibus data
Æterna restant. hic amor aureus,
Hic hamus est Æternitatis,
Hoc capitur DEV Sipse, reti.

E

Secu-

Securicatis Mater, & unica est
Cali voluptas Munificentia,
Hoc quippè, te censes habere,
Quod Superis tribuis metallum.
Æterna summi Preses, & aurei
 REGINA cali. quo, nisi fulgido
Debebat auro, vel micanti
Clara magis radiare signo.
Non illa Gangis, vel rutilus Tagi
Auro fluentis possit opes, Tuis
Gauisa, non hoc liberale
Præterabit citò fulgur auri.
Olim futura est, hæc tibi Prodroma
 PHAROS, Tuorum gratia Munerum;
Hoc calle, quàm securus ibis?
Ignibus his super astra scandes.

INSCRIPTIO V.

Non vulgarem hæc in Lampade Flammam cerne:
 Ignis est, pænam consumens ac æumnas.

Illustri elemento

Illustrem testatur caritatem Illustrissimus.
 Igne aurum, vtroque virtutis colorem probaturus.

EN STELLA MATVTINA

Beneficâ clientis mutuatur lucem

Quia

Aurum spectantes se exhilarat,
 Hinc WARSZYCIUS
 In MARE GRATIARVM abiecit aurum,
 Vt hæc sit causa illius lætitiæ.
 Hamo aureo in Oceano Bonorum omnium,
 Nonnisi DEVM ipsum capies.

Ita

Ita

Quidquid peccauit alibi in luxu Principum,
Hic expiat tuum aurum.

INSCRIPTIO VI.

Moles laudum Tuarum

O ILLVSTRISSE PALATINE!

Audaciam Orationis opprimit

Sufficit attamen ad venerationis obsequium

Aliquos gloriæ Tuæ fructus delibasse,

Ne lumen nominis Tui quod per Illustria merita latè spargis

Fatales vmbrae inuoluant:

Artificiosis ignibus appensis, augere hanc ipsam lucē non cessas

Quando aureis flammis cælum accendis.

Ex colore & splendore Lampadum Tuarum,

Ardentem in Diuiparam agnoscimus affectum

Nisi quod æquè Clarus es, in Tuis hisce ignibus,

Ac meritorum splendoribus Illustris.

Quando nec Tuæ Lampades quidquam Olei,

Nec Tu animi fortunæque eges:

Vsq̃ adeò, vt nihil tuum putes,

Nisi quod Deo & Dei Matri Sacrum facis.

Talem oportuit calo datam esse mentem,

Vbiq̃ Magnificam, vbiq̃ Munificam;

Id docuit Gentilitij Tui Stemmatis author,

Qui ad thesaurum Henrici Imperatoris,

Aurum auro adiecit;

Quem dum commemoro, fontem Liberalitatis

In Illustrissimâ Domo WARSZYCIANA

Semper fuisse, quasi

Digito ostendo.

O D E III.

Ad Diuam Virginem Clari Montis,

Cum eius honori auream Lampadem offerret
Illustrissimus D. Palatinus.

Sic te flammigero viuere nobilem
Elegit pretio, sanguine prapotens:
Quem prodit pietas, cultus & inclytus,
AVGVSTA ó Superúm PARENS!

Quàm Te condecorat censibus Aureis,
Pandit laudis iter munificá manu,
Illustremq; facit currere semitam:

Et splendescere limina.

Héu votum GENITRIX temne notabile,
Quod cultus posuit pectoris, & calor;
Arcanusq; Tui Nominis Arbiter
Aris adiiciens tuis.

Sed quid conspicio? iam videor pros
Mulceri sonitu, an ludit amabilis
Me DIVÆ Facies: cæruleum quatit
Cantu sidus & aëra.

Inter siderea fulgura Gloria
Stellarumq; choros, & iubar atheris:
Et Lunæ radios munus adorea
Poni splendidius polo.

Ibis nobilibus non sine plausibus,
Et pulchri nitido Nominis effedo:
Per voces Procerum, per iuga gloria
Intrans Pergama siderum.

Miratur Populus munificam Manum,
Et fundit gemitus, ut Superúm PARENS
Ut natum proprijs stringat amoribus
Et votis celer annuat.

Te votiua, sacra turre petit, Domus;
Te præcelsa super culmina postulant,
Et depicta vocant templa, coloribus
Ut te conspiciant suis.

INSCRI-

INSCRIPTIO VII.

Meritò Illustrissimi gaudes Nomine,
Qui clarum aliàs Montem, Illustrissimū luce Aureā reddidisti.

Semināsti in Claro Monte Aurum,
Fertiliorem inde Messem, quā ē Cypri agro, percepturus.
Seruitutis olim vectigal Metallum,

Tu Amoris recisti.

Indignum arbitratus, auro Palatia splendere,
Si non resplendeant Sacræ Ædes.

Exhaustit sēpè Munificentia thesauros; at Tua auget;
Tua Lampas inter SOLEM & LVNAM magis lucet,
Quia Æternitatis ignem alit.

Pallescit ipse Astrorum Princeps,
Dum Tua PHAROS, Astrorum DOMINAM, illustrat;
In igne olim sacro Dijs, stultitiam Antiqui admirati,
In tuo Pietatem veneramur.

Hic mihi verè illustris est, qui Munificentiae iunxit Pietatem;
Munificentiae Tuae ampliores limites imponere nō potuisti,
Quā in Æternitatis Solio.

Aureani Lucernam in Monte Claro ponis,
Clariorem in occursum Sponsi accepturus.
Obscuros plerumque, illustrat aurum collectum,
Illustres dispensatum.

Annuū Dionysij Candelabrum Tuae Lampadi non æquamus,
Quæ non Anni, sed perpetuitatis dies notat.
Luminare hoc magnis pensabitur Luminaribus,

Lucerna hæc,
Nec flatibus, nec fluctibus exstinguetur.
Iactet Vespasianus templum Pacis,
Nos te Pacificatorem agnoscimus,
Qui in Oleo Pacis, Symbola appendisti.

F

Lampas

Lampas hæc diminuto olim Sole
Non utique minuetur,
Quia dicata **PLENÆ LVNÆ.**

INSCRIPTIO VIII.

Verba quæ vides
Admirantis animi indicia esse existima!
Alijs claritas Generis; Alijs sola dignitas ad gloriam sufficit,
ILLVSTRISSIMVM D. PALATINVM MAZOVIAE
Præter Genus & Honorum fulcra,
Cælestis Imperatricis commendat cultus.
Id Lampades affixæ testantur.
Quas Fortunæ dicerem dicatas,
Nisi MARIÆ consecratas esse scirem.
Ditiùs ô VIRGO nunquam radiasti,
Quam ab aureis WARSZYCIANIS ignibus coronata.
Vbi quot flammantes lychni, tot Carbunculi.
Hoc apparatu se dignum Clientem exhibuit,
Quando ignita obsequia Tibi radianti Reginae impendit.
Omnino gloriosius ad Aras Heroum triumphat Pietas,
Quam in Capitolijs, Regum Maiestas,
Quia & augustior Virtus, quò Diuiniior,
Qualis est Tua, ô MAGNE HEROS!
Vectigalem secum trahens ubique immortalitatem.
Sic Tu è numero Magnorum cultorum MARIÆ, Maximus,
Ingeniosam Tuam deuotionem in secreto Palatij MA-
RIANI esse voluisti
Quando extra omne periculum Eclypseos
Accensis duabus ad splendorem Lampadibus,
Amplius quò se exporrigat ardor Tuus, in MARIAM,
Nil habes,
Ex quo sic adhæsisisti plenitudini Gratiarum.

ODE

O D E IV.

Dum auream Deiparæ Czeſtochoui-
ſis Lampadem appenderet Illu-
ſtriſſimus.

O Qui citato pollicis impetu
Gratùm ſonantis ſlamine barbiti
Impellis antennas carinis
Pegaſei Dominator amniſ;
Obuerte proras, huc age carbafa,
Quò te ſereno collis in aggere,
Claris ab ignibus relucens
WARSZYCIÆ monumēta dextra
Ultrò repoſcunt, & PHARVS aureo
Vibrans ab igni; ne timidus freti
Curras per equor, fulguranti
Hâc face, peruigiliq; amore
Videbis imo pectoris in ſinu
Exuberantis munera dextera,
Vt lenè manant! quèis decorem
Addit adhuc Cynofura VIRGO!
Vt ille Magnus Mazonia Arbiter,
Sacris MARIÆ toſtus amoribus
Se fert, & auratas refundit
Largus opes: cumulatq; flammas;
Vt Cultor Alma VIRGINIS Aureos
Accendit ignes, & vigilem PHARVM
Appendit! olim tam ſereno
Sidus, & hic, radiabit aſtro.

INSCRIPTIO IX.
LAMPADIS.

Audiet Posteritas,
PHARVM hanc Auream,
WARZYCIANÆ mentis Auræ indicem esse.
Clarum deinceps Montem non absque causa dicemus,
Dum aureâ illustratur face.
STANISLAI Nomen famam imperat,
Pietas præstat.

Virtus honorem, ut præmium sibi debitum desiderat;
Quæ nunquam magis Nomina facit, quàm cum donat.
Videant in te alij factam ex auro Animam,
Nos manum Diuinæ simillimam miramur.

Certè
Aureum tuo Nomini inducis titulum,
Dum aurum, auri DOMINÆ, elargiris,
Benè Stemmati provides tuo,
Qui Magno Munere Muneraris MARIA M.
PHARVM præmittis ad Superos,
Sed ad splendorem VIRGINIS accensam.
Ibis semper securus per ora & animos hominum,
Qui, & ferro contra hostes,
Et auro contra cælum pugnare nôsti.

INSCRI-

INSCRIPTIO X.

O Virum Clarissimum!

Qui in MARIANO Sacello, quot Lampades, tot
sydera clarissima accendit,
Cui, nisi congenitam serenitatem, astrorum Scrutatores dixerint,
Toto cælo errabunt.

Absit, vt extraneo luminum concursu serenari is postulet,
Cui satis fulgorum & splendorum
WARSZYCIANA & ROXICIANA
Familia dedit,

Illuminatrix MARIA, etiam in immensum auxit,
A quâ, pro terrenis Lampadibus, cælestium
Amorum ignes haurit.

Hâc luce ille innutritus, hâc animatus,
In cælo Sarmatico, etiam inter obscuras inuidiæ noctes,
Veluti Sol, inter procellosas nubes, clarior elucescit;
ABITE MALEVOLORVM NEBVLÆ
Nulla sese aduersâ caligine Domus WARSZY-
CIANA permittit infuscari,

Vbi solida Pietas
Dignum Maiestate suâ, inuenit domicilium.
Vel ideo, quia sub patrocinio MARIÆ collocata,
Neutiquam minuenda.

Cuius nobiles igniculos, oleum affusum fouet.
Omninò cum suis Lampadibus, etiam occumbentis
Domini funeri, futura superstes;

Morti renuntiatura & Noctibus,
Quarum vmbras æternæ lucis ærario
serenabit.

O D E V.
IN AVREAM LAMPADDEM

Illustrissimi Domini
P A L A T I N I.

Videtis? an quæ sideribus nouæ
Fulsere flammæ? nam videor mihi
Spectare nocturnam virenti
Colle facem cupidam videri!
At unde, terris tam subitò noua
Affulsit oris Fax, super inclytum
Elata montem, fastuoso
Inuidiam positura soli?
Agnosco sacram *WARSZYCII PHARVM*,
Quam plena figit Munificentia,
Quam vesper, & caligo noctis
Nec stygiis superabit umbris.
Non sic renato, flammea, Phosphori
Igni coruscat Casaries, nouam
Sparsura lucem: dedicata
WARSZYCII PHAROS, ut corusco
Resplendet auro, prodiga luminis!
Ternos reflexu dixeris impetu
Ardere soles, triplicemquæ
Ad radios trepidare lucem.
Absiste vulgus querere fumidas
Facies Cleanthis. hinc procul inuida
Facies, & astrorum remoto,
Sidera, ferte gradum, recessu.

O macte

O macæ largo Pectore *WARSZYCI*,
Quacung dūctor, siue redux velis,
Seu nocte tetrâ; siue rursūm
Ire, redire; *PHARVS* nitebit!
Quin & sereno non poteris diu
Latere celo, *VIRGINIS* ô Cliens:
Auratus hic te index *Lucerna*
Protinus indigitabit; *HIC EST.*

INSCRIPTIO XI.
LAMPADIS.

Salutis Portus est
CLARI MONTIS DIVA CLARIOR,
Felix quòd his iter tuum regas indicijs,
Quæ nouo lumine accensa
Toti rutilat aspectabilis vniuerso.
Fingant Pòetæ Solem occidere in Oceano,
MARIA in Pelago bonorum oritur.
En percussus noui SOLIS radio
Nouus Memnon vocem dedit.
SOL nempè Terrarum est MARIA;
SOLI Aurora num deesset?
illustrissime Domine, vide
CLARVM IN POLONIA MONTEM,
Pietate Tuâ, quòd esset clarior, illustrari.
Aurum in auro obtulisti,
Quia Illustrium Virorum animæ, auro sunt
concolores.

Prælenlit aurum M A R I A,
Ex quo & ipsa mores Aureos donaret Clienti
Ministrauit Oleum,
Quo ornares tuam Lampadem,
Vt in luce meritorum, D E O & D E I P A -
R Æ appareres.

I N S C R I P T I O X I I .

Quod Sol in cælis,
Hoc Tuæ ILLVSTRISIME Domine,
Lampades, in Sacrario Virginis;
Quæ & lucent, & ardent;
Sic semper ardorem Pietatis, lux sequitur.
Quam solam, ignis non consumit, sed auget,
Ratus inustæ frontis esse, ea absumere, quæ solida
In M A R I A M deuotio, semel accendit.
Vt Solem è cælo,
Ita & Tuas Lampades, nulla manus tollet è Sacrario:
Sed nec deliquium vllum pertimescunt,
Annux Tuæ impensæ, fomentum illis submi-
nistrant perenne.
Cæleste prorsus tale incendium!
Quod vel ipsum diuinissimum D I V Æ combu-
burit domicilium.
Hoc demum est, Deo & Cælitibus vim inferre.
Vt noua lucra, à victis Superis proueniant.
En quo M A R I A N I Cultus Sacer ignis non
ascendit!
Vsq; adeo illi potestas & in Cælites,

Ipsæ

Ipse Altissimus amat tali igne Cor suum cremari.
Quisquis es, ô B O N E, qui hæc corda.
tus pellegis,
Præ foribus Cordis Tui similes flammæ defige,
Hoc Te Pietas Illustrissimi Domini
Palatini edocet,
Qui & corde ardenti, & votiuis ignibus,
Pius esse voluit.
Immortale Peregrinis Czestochouien-
sibus, suæ deuotionis
Erga Magnam Matrē, Magnam Virginem,
Relinquens exemplum.



CORONIS HONORARIA

A D

Illustrissimum Dominum

PALATINVM MAZOVIAE.



Vcusque Tuis istis Sacris Lampadibus, Sacra & ego amœniora feci. Nec me ita facile ab his eruditis deliciis bonarum Charitum auelli sinerem, nisi finitimam suauitati satietatem esse scirem. Ignosce igitur, illustrissime Domine, quidquid illud pro argumento conceptæ gratitudinis, memor beneficiorum & quidem vocalis effudit calamus. Et sanè omnia ista hæcenus profusa, in gratiam Tuæ Magnificæ Liberalitatis, Elogia, non aliunde quàm à Tuo supplici auro, ardenti Pietate insignito profluxerunt. Inanium siquidem est mentium, emendicatis perfrui præconiis, cum emerita Pietas, uberem de se porrigat unicuique materiam. Et quamuis noster etiam de Tuis hisce beneficiis siluisset amor; Ast tunc quoque, pro Te Munifico Benefactore, ipsa æternitatis perorasset facundia. Integra itaque Cultus Tui erga DIVAM Nostram magnitudo, ad Te Authorem suum redeat; quin imo & debitâ cum gratitudine, quam offerimus, non sine gloriâ Tuæ Amplitudinis recurrat ad cumulum, quidquid à Te, Heroum Maxime,

*Maxime, prodijt in exemplum. Perge porro, innatam
Tibi continuare deuotionem in MARIAM, amorem
etiam in Ordinem Nostrum, qui Tibi sese, per me hu-
millimè deuouet, ac simul vouet, vt sospitatu VIRGI-
NIS huius Nostræ SOSPIATRICIS, prospe-
rè procedas, Illustrissima Coniuge, charissimo Filio, Filia-
busque Illustribus beatus, ac tandem*

*Sichabites terris, vt te desideret æther,
Post, ad parta tibi æthera, tardus eas;
Nisi quod tunc quoque Totus, à nobis abire non poteris,
quem rara, illaq; ardens in DIVI-PARAM vene-
ratio, præter alia innumera beneficia, in Lampadibus, pe-
renni igne, fotis, superstitem relinquet. Magna hæc
in Te, Illustrissime Domine, Diuini fauoris argumenta,
sed quæ merito, virtuti, Religioni, Pietati Tuæ in Deum,
& deuotioni in MARIAM, è voto omnium nostrum
debentur. Cæterum ulteriori Te laudum copiâ grauare
nolo, cum satis Tibi grandem texuit Panegyrim, quis-
quis Te Claromontanæ DIVÆ singularis
Amatoris, compendioso nobili-
tauit Encomio.*

*Ad Maiorem Dei Gloriam, & B. V.
MARIAE Honorem.*

Superiorum Permissu.





Handwritten signature or mark in red ink.

Biblioteka Jagiellońska



stdr0010803

